

Ժողովուրդ

122
(2602)

18 օգոստոսի հինգշաբթի 2022
տպագրության ժԱ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՆԻԿՈՒ ՓԱՇԻՆՅԱՆԸ ԽԱԲԵԼ Է. ՄԱՍ 71




Ավելի քան 2 ամիս առաջ տիեզերք իբրև թե ուղարկված արբանյակի մասին «Ժողովուրդ» օրաթերթը մեկ անգամ չէ, որ գրել է: Այս անգամ, սակայն, ուզում ենք հիշեցնել, թե ինչպես էր վարչապետ Փաշինյանը 44-օրյա պատերազմում պարտությունը կապում արբանյակի չգոյության հետ, իսկ նրա կաբինետի՝ այն ժամանակ բարձր տեխնոլոգիական արդյունաբերության նախարար Յակոբ Արշակյանն ամեն գնով արդարացնում էր արբանյակ չունենալը կամ «ընդամենը մեկ արբանյակ ունենալու ոչ արդյունավետությունը»: Այդ մասին, ի դեպ, Յակոբ Արշակյանը հայտարարել էր 44-օրյա պատերազմից ուղիղ մեկ ամիս առաջ՝ օգոստոսի 26-ին, թեև այժմ ԱԺ փոխնախագահի պաշտոնը զբաղեցնող Յակոբ Արշակյանը մինչև այս պահն այդպես էլ չի բացատրել, թե «ընդամենը մեկ արբանյակ ունենալն» ինչպես դարձավ արդյունավետ: Փաստենք, որ «ընդամենը մեկ արբանյակը», որ, ըստ կառավարության անդամների ու անձամբ վարչապետ Նիկոլ Փաշինյանի հավաստիացումների, մոտ 2.5 ամիս սավառնում է երկնակամարում, որտեղ լուսանկար, կոորդինատ կամ այլ փաստ չի տրամադրել: Հարց կարող է առաջանալ՝ ՀՀ-ն տիեզերքում արբանյակ ունի՞ իսկապես, թե՞ ոչ: Հանուն արդարության՝ փաստենք (ինչպես վերը նշել ենք), որ տիեզերքում սեփական արբանյակ ունենալու կարելիության մասին նաև Նիկոլ Փաշինյանն էր բարձրաձայնում՝ համեմատություն անցկացնելով Ադրբեջանի հետ: «2017-ին Ադրբեջանը Երկրի ուղեծրում երեք արբանյակ ուներ, որից մեկը՝ հետախուզական: Այո, Ադրբեջանը հետախուզական արբանյակ էր գնում, իսկ ՀՀ իշխանությունները հունական կղիներում, Եվրոպաներում ու այնտեղ, որտեղ հնարավոր էր, հողամասեր էին գնում»,- պատերազմից հետո՝ 2021-ի ապրիլի 14-ին, ներսրտում էր Փաշինյանը: Ի՞նչ է ստացվում. տիեզերքում արբանյակ ունենալու մասին իրարամերժ, մեկ-մեկու հակասող հայտարարություններով Փաշինյանն ու յուր թիմակիցները հերթական անգամ ստել են:

Կառավարությունն առաջարկում է փոփոխություն կատարել «Պետական պաշտոններ եւ պետական ծառայության պաշտոններ զբաղեցնող անձանց վարձատրության մասին» օրենքում եւ Հակակոռուպցիոն կոմիտեում օպերատիվ-հետախուզական գործունեություն իրականացնող աշխատակիցների համար հավելավճար սահմանել: Ըստ հիմնավորման՝ ՀՀ հակակոռուպցիոն կոմիտեի օպերատիվ-հետախուզական գործունեություն իրականացնող աշխատակիցների համար օրենքն արդեն իսկ նախատեսում է հավելավճար ստանալու հնարավորություն, սակայն չի նախատեսվել օպերատիվ-հետախուզական գործունեության ստաժը հաշվարկելու եւ դրա հիման վրա հավելավճար տրամադրելու գործիքակազմ: Եվ, այսպիսով, առաջարկվում է հնարավորություն տալ օպերատիվ-հետախուզական գործունեություն իրականացնող անձանց ստանալու հավելավճար՝ ստաժի հաշվարկմամբ: Նախագծերով առաջարկվում է ՀՀ հակակոռուպցիոն կոմիտեի օպերատիվ-հետախուզական գործունեություն իրականացնող աշխատած յուրաքանչյուր տարվա համար տրամադրել հավելավճար, ինչպես նաև վերականգնել ՀՀ նախկին աշխատակիցների դատախազությունում կամ քննչական կոմիտեում ծառայությունը շարունակելու պարագայում ՀՀ-ում աշխատած տարիների ստաժի նկատմամբ հավելավճար հաշվարկելու իրավունքը, կարգավորել Հակակոռուպցիոն կոմիտեի նախագահի վարձատրության հետ կապված հարաբերությունները:



«Ժողովուրդ» օրաթերթի ձեռքում է հայտնվել բացառիկ փաստաթուղթ: Պարզվում է՝ «Սուրմալու» առետրի կենտրոնում անվտանգության կանոնները դեռ նախորդ տարվանից չեն պահպանվել, եւ շատ մարդիկ, իրենց անվտանգությունից դրոշմված, ստիպված են եղել լքել առետրի կենտրոնը: Եւ այսպես, մեր ձեռքի տակ հայտնված փաստաթղթի համաձայն՝ 2021 թվականի ապրիլի 6-ին «Սուրմալու» առետրի կենտրոնում բռնկված հրդեհի գործով առետրի կենտրոնի տուժած տնտեսավարողներից մեկի փաստաթան Տիգրան Մուրադյանը միջնորդություն է ներկայացրել Երևան քաղաքի դատախազ Սեւակ Հովհաննիսյանին եւ մի շարք կոպիտ խախտումների մասին արձանագրել՝ հորդորելով միջոցներ ձեռնարկել, որպեսզի դադարեցվի «Սուրմալու» առետրի կենտրոնի գործունեությունը: Երևան քաղաքի դատախազ Սեւակ Հովհաննիսյանը որտե՞ս պատասխան չի տվել միջնորդությանը: Այս գործով մեկ տարի շարունակ կրկնվեց անգործության եւ մատնված եղել Գլխավոր դատախազությունը՝ ի դեմս Երևան քաղաքի դատախազ Սեւակ Հովհաննիսյանի: Ծուրջ 1 տարի անգործության է մատնված եղել ՀՀ քննչական կոմիտեն, քանի որ 2021 թվականի ապրիլի 6-ին «Սուրմալու» առետրի կենտրոնում բռնկված հրդեհի գործով դեռ քննությունը շարունակվում է: Կասկածելի դանդաղություն է ցուցաբերել նաև Փորձաքննությունների ՊՈԱԿ-ը, քանի որ մեկ տարի շարունակ չի տվել փորձագիտական եզրակացությունը: Այն մեկ ամիս առաջ է միայն ստացվել: Մասնագիտական եզրակացությամբ հաստատվել է, որ առետրի կենտրոնի ղեկավարությունը չի պահպանել անվտանգության կանոնները: Եթե մեկ տարի առաջ Գլխավոր դատախազությունը կասկածելի անուշադրության չմատներ եւ պատշաճ ուսումնասիրեր փաստաթանի միջնորդությունը, որտեղ բազմաթիվ խախտումների մասին էր բարձրաձայնել, եւ դեռ ավելին՝ քննիչն էլ փափուկ բարձ չլներ փաստաթանի գլխի տակ, թե հարցը կքննարկեն փորձաքննության արդյունքները ստանալուց հետո, այսօր չէինք ունենան 16 գոհ: Կից ներկայացնում ենք փաստաթուղթը՝ հիմնավորումներով, թե ինչու էր անհրաժեշտ փակել «Սուրմալու», ինչը Նիկոլ Փաշինյանի անկաշառ պետական օղակները չեն արել:



Հայաստանում քովիդ թեստերը դարձյալ պահանջված են: Օգոստոսի 8-14-ի դրությամբ գրանցվել է 1713 նոր դեպք, կատարվել է 6829 թեստավորում: Ունենք 1704 առողջացած, գրանցվել է 6 մահվան դեպք: Տեղեկացնենք, որ, երբ մեր հանրապետությունում կորոնավիրուսով պայմանավորված իրավիճակը կայունացավ, դեպքերի քանակը նվազեց, լաբորատորիաները, ԲԿ-ները թեստերի գները նվազեցրին: Հիմա դրանք դարձյալ բարձր են: «Ժողովուրդ» օրաթերթը գանգահարեց մի քանի բժշկական կենտրոններ եւ հետաքրքրվեց, թե ինչ արժե քովիդ թեստն այժմ: Նշենք, որ ՊՇԴ թեստերը շարունակում են բարձր գնով առաջարկվել քաղաքացուն: Պարզվեց, որ դրանց գները սկսում են 6000 դրամից եւ հասնում 9000 դրամի: Օրինակ՝ բժշկական կենտրոններից մեկն առաջարկում է քովիդ թեստ 9000 դրամով, մյուսը՝ 6000 դրամով: Մեկ այլ բժշկական կենտրոնից «Ժողովուրդ» օրաթերթին փոխանցեցին, որ քովիդ թեստ հանձնելու համար պետք վճարել 8000 դրամ, իսկ եթե Ռուսաստան մեկնելու համար է հարկավոր թեստի հանձնումը, ապա պետք է վճարել 9000 դրամ, այսինքն՝ 1000 դրամով ավելի: Ըստ այդ բժշկական կենտրոնի՝ ՌԴ մեկնելու համար հատուկ ծրագիր է անհաժեշտ, ինչը ծախսատար է: Ի դեպ, տեղեկացնենք, որ քովիդ թեստերի գներն առաջիկայում էլ ավելի են բարձրանալու, եթե, իհարկե, պատկան մարմինները, մասնավորապես՝ Մրցակցության պաշտպանության հանձնաժողովը չվերահսկի ԲԿ-ներին ու լաբորատորիաներին:



ՓՈՐՁ

ՀԱՅԱՍՏԱՆԻՆ ՓՈՐՁՈՒՄ ԵՆ ՄԵԿՈՒՄԱՑՆԵԼ

ՈՒՇԱԳՐԱՎ ԱՎԱՐՏ

«Քաղաքացիական պայմանագիր» խմբակցության պատգամավոր Սերգեյ Բագրատյանի որդու Շանթ Բագրատյանի միջադեպով գործը ուշագրավ ավարտ ունեցավ: ArmLur.am-ին հասած տեղեկությունների համաձայն՝ նախաքննական մարմինը կարծել է Աժ պատգամավորի միջադեպով քրեական գործը:

Ահա թե ինչպես են մաքրվում իշխանական պատգամավորների որդիների մասնակցությամբ միջադեպերը:

Հիշեցնենք, որ 2022 թվականի մայիսի 15-ին Վայոց ձորի մարզում գազալցակայանում, ծեծկռուք էր եղել: Մասնավորապես, 45-ամյա տնօրեն Վահե Ասատրյանին ծեծի էին ենթարկել, եւ միջադեպի կիզակետում հայտնվել էր Աժ «Քաղաքացիական պայմանագիր» խմբակցության պատգամավոր Սերգեյ Բագրատյանի որդին՝ Շանթ Բագրատյանը:

Ըստ լուրերի՝ այս միջադեպին անգամ խառնել է «օրենքով գող» Անդրանիկ Սողոյանը՝ Ջապը, որ ճիշտ ու սխալ անի, թե ով է կռվի մեջ մեղավոր:

ԻՆՔՆԱՄՊԱՆՈՒԹՅԱՆ ՓՈՐՁ

ArmLur.am-ի տեղեկություններով՝ Շիրակի մարզի Ախուրյան համայնքում ուշագրավ դեպք է եղել: 43 տարեկան տղամարդը «Շիրակ» գերեզմանատան մոտ հրկիզման միջոցով փորձել է ինքնասպանություն գործել: Վերջինս հայտնել է, որ չի ցանկանում ապրել:

ՆԱԽԱՔՆՆՈՒԹՅԱՆ ԱՎԱՐՏ

ArmLur.am-ին հասած տեղեկությունների համաձայն՝ քրեական հեղինակություն Քանաքեռի Տուրքի Արթուր Ղազարյանի եւ Աժ նախկին պատգամավոր 61-ամյա Արտյուշ Սիմոնյանի սպանության գործով նախաքննության ավարտ կհայտարարվի: Այս պահին քրեական գործով կալանավորված են երեք անձ՝ Աժ նախկին պատգամավորի երկու որդիները եւ աղմկահարույց կրակոցով եւս մեկ վկա, որին ամիսներ առաջ էին հայտնաբերել եւ կալանավորել:

Հիշեցնենք, որ 2021 թվականի նոյեմբերի 11-ին Քանաքեռի սեփական տնեռից մեկուկրակոցներ էին հնչել, ինչի հետեւանքով սպանվել էր 4 անձ, իսկ երեք անձ մարմնական տարբեր վնասվածքներով տեղափոխվել էին հիվանդանոց: Սպանվածների մեջ էր քրեական հեղինակություն Քանաքեռի Տուրքի Արթուր Ղազարյանը, եւ Աժ նախկին պատգամավոր 61-ամյա Արտյուշ Սիմոնյանը: Վիրավորների մեջ է սպանված նախկին պատգամավորի որդին՝ Վլադիմիր Սիմոնյանը:

Կրակոցներից հետո նախաքննական մարմինը կալանավորել էր սպանված պատգամավորի որդիներին, որոնցից մեկին՝ Յակոբ Սիմոնյանին, օրերս ազատ էր արձակել, եւ նրա ազատման հարցը բողոքարկվել է ՀՀ վճռաբեկ դատարանում:

Ի դեպ, կրակոցները հնչել էին հենց նախկին պատգամավորի տանը: Նշենք, որ Արտուշ Սիմոնյանը 2003թ.-ին մեծամասնականով Քանաքեռ-Ջեյրթուն վարչական շրջանից էր Աժ պատգամավոր ընտրվել: Ի դեպ, հայտնաբերված անձը սպանված նախկին պատգամավորի մտերիմներից է:

Վիեննայում եւ Գոհայում ամիսներ շեւած ինտենսիվ բանակցություններից հետո Իրանի միջուկային համաձայնագրի վերականգնման վերաբերյալ վերջնական համաձայնությունը թվում է ավելի հասանելի, քան երբեք: IRNA-ն գրում է, թե Իրանն իր կարծիքն է հայտնել՝ ի դասախոսական եվրամիության կողմից ներկայացված Վիեննայի համաձայնագրի փոխզիջումային նախագծի: Երեք հարցում կան սարձայնություններ, որոնցից երկուսի հարցում ԱՄՆ-ն դասախոս է ճկունություն ցուցաբերել: Երրորդ խնդիրը դասախոսների վերացման Իրանի դաժանքն է:

ԱՄՆ Պետդեպարտամենտի խոսնակ Նեդ Փրայսը հայտարարել է, որ եթե Իրանը պատրաստ է վերադառնալ գործարքին, ապա Ամերիկան պատրաստ է: Միաժամանակ Նեդ Փրայսը նշել է, որ եթե Իրանը չկարողանա կամ պատրաստ չէ ամբողջությամբ իրականացնել համաձայնագիրը, ապա պատժամիջոցները կպահպանվեն:

Իրանի արտգործնախարար Հոսեյն Ամիր Աբդոլլահիան ասել է, որ ամերիկացիները Կոնգրեսի ընտրությունների նախաշեմին կուլիսներում խոսում են բենզինի, էներգիայի հետ կապված խնդիրների մասին եւ օգնություն խնդրում:

Այս համատեքստում Հայաստանը մեկուսացնելու հարցը, ի թիվս այլ բաների, դիտվում է որպես Իրանի մուտքը համաշխարհային շուկա խոչընդոտելու փորձ: Իրանի նախկին արտգործնախարար իր հրաժարականի նախօրեին հայտարարել էր, որ Ռուսաստանը խոչընդոտում է միջուկային գործարքի վերականգնումը:

Այժմ Ռուսաստանն ու Թուրքիան փորձում են արգելափակել հայ-իրանական սահմանը եւ Հայաստանի ու Վրաստանի տարածքով դեպի Եվրոպա հնարավոր հաղորդակցությունները: Այսպես կոչված «Ջանգեզուրի միջանցքը» հայ-իրանա-



կան սահմանի շրջափակումն է եւ Հայաստանի հարավի բռնակցումը:

Իրանի ԱԳՆ պաշտոնական ներկայացուցիչ Նասեր Քանանին կրկին հայտարարեց՝ պատասխանելով Հայաստանի մասին հարցին. «Մենք կոչ ենք անում պահպանել միջազգային սահմանները եւ պահպանել աշխարհաքաղաքական պայմանները տարածաշրջանում»:

Իրանի համար տարածաշրջանում աշխարհաքաղաքական փոփոխություններն անընդունելի են. այս մասին ՀՀ վարչապետ Նիկոլ Փաշինյանի հետ հեռախոսազրույցի ժամանակ հայտարարել է Իրանի նախագահ Իբրահիմ Ռահիսին:

Հիշեցնենք, որ հուլիսի 19-ին Իրանի հոգեւոր առաջնորդ Ալի Խամենեյին Ռուսաստանի եւ Թուրքիայի նախագահներ Պուտինի եւ Էրդողանի հետ հանդիպման ժամանակ ասել էր, որ Թեհրանը դեմ է Իրանի եւ Հայաստանի միջեւ սահմանը փակելուն եւ հակազդելու է այդ քաղաքականությանը:

Իրանի եւ ԱՄՆ-ի միջեւ միջուկային գործարքի վերսկսումը կարող է հանգեցնել տարածաշրջանում մեծ վերափոխումների եւ Հայաստանի իրավիճակի ու դերակատարության փոփոխության:

ՆԱԻՐԱ ՀՈՎՀԱՆՆԻՍՅԱՆ

ՕՐՎԱԿԱՆԱԿԱՐ

ՀՀ ԳԼԽԱՎՈՐ ՀՅՈՒՊԱՏՈՍ



ՀՀ ԱԳ նախարարի՝ ս.թ. օգոստոսի 17-ի հրամանով՝ Լեւոն Մինասյանը նշանակվել է Դոնի Ռոստովում ՀՀ գլխավոր հյուպատոս: Այդ մասին հայտնում են ՀՀ ԱԳՆ-ից: Հիշեցնենք, որ Լեւոն Մինասյանն օրերս, Նիկոլ Փաշինյանի որոշմամբ,

ազատվել է պետական արարողակարգի ծառայության պետի պաշտոնից:

ԻՋԵՑՎԵԼ ԵՆ ԳՐՈՇՆԵՐԸ



Հայաստանում հայտարարված երկօրյա սզի կապակցությամբ իջեցվել է կառավարության շենքին տեղադրված ՀՀ պետական դրոշմը:

Երեւանում բրիտանական դեսպանատան առջեւ իջեցվել է Միացյալ Թագավորության դրոշմը՝ ի հիշատակ օգոստոսի 14-ին «Սուրմալու» առեւտրի կենտրոնում տեղի ունեցած պայթյունի զոհերի: Այս մասին տեղեկանում ենք Հայաստանում Բրիտանիայի դեսպանության տարածած հաղորդագրությունից:

Երկօրյա սզի կապակցությամբ իջեցվել են Եվրոպայի խորհրդում Հայաստանի մշտական ներկայացուցչության եւ Եվրոպայի խորհրդի կենտրոնակայանի դիմաց ծածանվող Հայաստանի դրոշմները:

ԴԱՏԱՊԱՐՏՎԱԾ ԳԵՐԻՆԵՐ

Ադրբեջանի մարդու իրավունքների հանձնակատարի (օմբուդսմենի) հանձնարարականով խոշտանազումների կանխարգելման ազգային կանխարգելիչ խմբի անդամներն այցելել են ժամանակավոր պահման վայրեր, առանց նախնական ծախսումների:

Ինչպես հայտնում են տեղի լրատվամիջոցները, նրանք հանդիպել են Բաքվում պահվող հայ ռազմագերիների հետ: Գաղտնի ընդունելությունների շրջանակում տեղի ունեցած զրույցի ընթացքում պարզվել է, որ յուրաքանչյուր գերու համար «ապահովվում է» հեռախոսային կապ, նամակագրություն, կապ ընտանիքի անդամների հետ, տեղեկատվության հասանելիություն (հեռուստատեսություն, հրապարակումներ) եւ բուժօգնություն: Նշվում է, որ ռազմագերիները չեն բողոքել պահման եւ բուժման պայմաններից:

ԶԻ ԿԱՏԱՐՎԵԼ

«ՍՈՒՐՄԱԼՈՒ»-Ն ՓԱԿԵԼՈՒ ՄԻՋՆՈՐԴՈՒԹՅՈՒՆ

«Տողովուրդ» օրաթերթի ձեռնում է հայտնվել բացառիկ փաստաթուղթ: 2021 թվականի ապրիլի 6-ին «Սուրմալու» առևտրի կենտրոնում բռնկված հրդեհի գործով առևտրի կենտրոնի ճեղքվառոցներից սուժած ֆաղափացու փաստաթան Տիգրան Մուրադյանը միջնորդություն է ներկայացրել Երևան ֆաղափի դասախազ Մեակ Հովհաննիսյանին, մի ԵԱԲԿ կադրիս խախտումների մասին արձանագրել և հորդորել միջոցներ ձեռնարկել, որոնցից դադարեցվի «Սուրմալու» առևտրի կենտրոնի գործունեությունը: Երևան ֆաղափի դասախազ Մեակ Հովհաննիսյանը որևէ դասախազ չի արել փաստաթանին: Այս գործով մեկ արի ԵԱԲԿ կադրիս Կարեն Կարամյանը է մասնավոր եղել Գլխավոր դասախազությունը՝ ի դեմս Երևան ֆաղափի դասախազ Մեակ Հովհաննիսյանի:



մասին 07.04.2021թ. քննիչի որոշմամբ նշանակված փորձաքննությամբ պարզաբանման համար առաջադրվի 7, ևսե՛ սույն բողոքի 7-րդ կետում նշված բոլոր հարցերը, 8-րդ կետից բխող հարցերը, փորձագետներին տրամադրվի 33 քաղաքաշինության, տեխնիկական և հրդեհային անվտանգության տեսչական մարմնի 31.05.2021թ. գրությունը, դրան կից 06.04.2021թ-ի հրդեհային և տեխնիկական անվտանգության ստուգումներ անցկացնելու մասին 3/217/2021 ակտը և 26.04.2021թ-ի վարչական տույժ նշանակելու մասին 3/217-2021 որոշումը, ● միջոցներ ձեռնարկել, որպեսզի թիվ 12106321 քրեական գործը քննվի առանց ձգձգումների, նշանակված դատաշինարարատեխնիկական, դատահրդեհատեխնիկական և դատաապրանքագիտական համալիր փորձաքննությունն իրականացվի ողջամիտ ժամկետում՝ նման փորձաքննությունների կատարման համար ՊՈԱԿ-ի կանոնակարգով սահմանված ժամկետում՝ հաշվի առնելով հրդեհի հետեանքով տուժած տնտեսվարողների շահերը, ձեռնարկատիրական գործունեության խափանումը, սեփականության իրավունքի խախտումը և այլ ամենով պայմանավորված փորձաքննության կատարման ժամկետների ձգձգման բացասական հետեանքները, ● միջոցներ ձեռնարկել, որպեսզի բացառվի ՊՈԱԿ-ի փորձագետների նկատմամբ ընկերության շահերից բխող և այլ

ընկերության օգտին եզրակացություն ստանալու նպատակ հետապնդող գործողությունների կատարումը, ● միջոցներ ձեռնարկել, որպեսզի թիվ 12106321 քրեական գործին տրվի արագ ընթացք, իրականացվի լրիվ, օբյեկտիվ և բազմակողմանի քննություն գործի իրական հանգամանքները պարզելու և մեղավոր անձանց պատասխանատվության ենթարկելու համար, ● միջոցներ ձեռնարկել, որպեսզի կալանք կիրառվի առևտրի կենտրոնի սեփականատեր ընկերության գույքի վրա՝ քաղաքացիական հայցը և դատական ծախսերն ապահովելու համար, ● հաշվի առնելով սույն բողոքի 2-րդ և 3-րդ կետում նշված հանգամանքները՝ միջոցներ ձեռնարկել, որպեսզի դադարեցվի «Սուրմալու» առևտրի կենտրոնի գործունեությունը, ● միջոցներ ձեռնարկել, որպեսզի քրեաիրավական գնահատական տրվի թիվ 12106321 քրեական գործով 33 քննչական կոմիտեի էրեբունի և Նուբարաշեն վարչական շրջանների քննչական բաժնի քննիչի գործողություններին, անգործությանը և թերացումներին, ● միջոցներ ձեռնարկել, որպեսզի թիվ 12106321 քրեական գործով վարույթն իրականացնող քննչական մարմինը քննություն իրականացնի սույն բողոքի 9-րդ կետում նշված բոլոր հանգամանքների վերաբերյալ:

Զ.Ս.

ԼՈՒՐԵՐ

ՎԹԱՐ

Երևան-Արմավիր ավտոճանապարհի 16 կմ հատվածում բախվել են Արմավիրի մարզի բնակիչներ 33-ամյա Յուրի հաննես Վ-ի վարած Toyota մակնիշի և 41-ամյա Արարատ Մ-ի վարած Lada մակնիշի ավտոմեքենաները: Վթարի հետեանքով 2 վարորդներն ու Lada-ի ուղեւոր, Արմավիրի մարզի բնակիչ 70-ամյա Յասմին Ա-ն մարմնական վնասվածքներով տեղափոխվել են «Վարդաշապատ» ԲԿ:

ՋՐԱՄԵՂԳ Է ԵՂԵԼ

2022թ. օգոստոսի 17-ին՝ ժամը 10:45-ի սահմաններում, ԱՅ Մարտունու շրջանի Գիշի համայնքի վարչական տարածք հանդիսացող Բերդունց բաղ կղզվող տեղամասում տեղակայված ջրամբարում Նույն համայնքի անչափահաս բնակիչ, 2006թ. ծնված Գ. Բ.-ն լողանալու ժամանակ ջրախեղդ է եղել ու մահացել:

ՀՈՐԳՈՐ՝ ԲՍԱԳԱՔԱՑԻՆԵՐԻՆ

33 քննչական կոմիտեի հորդորում է բոլոր այն քաղաքացիներին, որոնք «Սուրմալու» առևտրի կենտրոնից ձեռք են բերել, սակայն դեռեւս չեն օգտագործել հրավառության համար նախատեսված նյութեր և պարագաներ, դրանք չօգտագործել և նշված իրերը ներկայացնել 33 ոստիկանության՝ իրենց բնակության վայրի բաժիններ: ՔԿ-ն վստահեցնում է, որ նշված գործողությունը քաղաքացիների համար չի առաջացնի որևէ իրավական հետեանքներ:

ՀԱՐՑԱՔՆՆՎԵԼ ԵՆ

«Սուրմալու» առևտրի կենտրոնում տեղի ունեցած պայթյունի գործով հարցաքննվել է 50-ից ավելի մարդ՝ տաղավարի սեփականատերեր, տուժածներ: Այս մասին ասաց քննչական կոմիտեի մամուլի խոսնակ Վարդան Թադեւոսյանը՝ հավելելով, որ առևտրի կենտրոնի սեփականատերը դեռ չի հարցաքննվել:

ԿԱՆԵՓՆ ԻՐԵՆՆ Է

Ոստիկանության Կապանի բաժնում տեղեկություններ էին ստացվել, որ Կապան քաղաքի Շահումյան փողոցի 39-ամյա մի բնակիչ Քաջարանի փակ բաժնետիրական ընկերություններից մեկի տարածքում կանեփ է աճեցնում: Ոստիկանության լրատվական բաժնից փոխանցում են, որ օգոստոսի 16-ին ՔՈԳՎ թմամիջոցների անօրինական շրջանառության դեմ պայքարի վարչության և Կապանի բաժնի քրեական հետախույզները նշված ընկերության պահակետի հետևամասում հայտնաբերեցին կանեփի 6 բույս, իսկ հանդերձարանի պահարանից՝ Նույն բույսից պատրաստված յուրահատուկ հոտով դեղնականաչավուն, չորացված, մանրացված զանգված: 39-ամյա տղամարդը խոստովանել է, որ բուսական զանգվածն ու կանեփի թփերը իրենն են, կանեփն ինքն է աճեցրել, մշակել անձնական օգտագործման համար: Նախաձեռնվել է քրեական վարույթ:

ՔՐԵԱԿԱՆ ԳՈՐԾ

ԻՐԱՎԱՊԱՆՔՆԵՐԸ ՄՏԵԼ ԵՆ ԴԱՏԱՐԱՆ

Ինչպես հայտնի է, Երևան ֆաղափի Շենգավիթ վարչական ԵՐԶԻԿ դասախազի Տեղակալ Կորյուն Ներսիսյանի կալանքը եւս երկու ամսով երկարաձգվեց: ArmLur.am-ը գրել էր, որ դասախազ Կորյուն Ներսիսյանը կաթողիկոս Գաբրիել Բ-ի եղբորդին է, որի ֆրեական գործով շեղվելու է նաև Արմավիրի մարզի առաջին ասյանի ընդհանուր իրավասության դասախազի նախագահ Էդգար Հովհաննիսյանի և Արմավիրի մարզի ընդհանուր իրավասության դասախազի դասավոր Արթուր Աղամյանի անունները:

նիսյանը, Նախկինում աշխատել է ԱԾՆ-ում և եղել է Արմավիրի մարզի ԱԾ վարչության պետը: 3իշեցեցեք, որ 33 ազգային անվտանգության ծառայության կողմից 33 դատախազության հետ համագործակցությամբ ձեռնարկված մեծածավալ օպերատիվ-հետախույզական միջոցառումների արդյունքում փաստական տվյալներ են ստացվել այն մասին, որ Երևան քաղաքի Շենգավիթ վարչական շրջանի դատախազի տեղակալ Կ.Ն.-ն, հանդիսանալով պաշտոնատար անձ, Արմավիրի մարզի առաջին ասյանի ընդհանուր իրավասության դատարանի վարույթում քննվող քրեական գործով ամբաստանյալ Ն.Գ.-ի նկատմամբ մեղմ պատիժ նշանակելու և պաշտոնեական դիրքն օգտագործելով նպաստելու համար Գ.Գ.-ի և Ն.Ա.-ի օժանդակությամբ և միջնորդությամբ Ն.Գ.-ից ստացել է

առանձնապես խոշոր չափերով՝ 2.500.000 33 դրամ կաշառք: Դատախազ Ներսիսյանը չի ընդունում մեղադրանքը: ArmLur.am-ին հասած տեղեկությունների համաձայն՝ այս քրեական գործի շրջանակներում նախաքննական մարմինը մտել է Արմավիրի մարզի դատարան և քննչական գործողություններ է իրականացրել ինչպես դատարանի նախագահի, այնպես էլ գործով այլ դատավոր Արթուր Աղամյանի աշխատատեղակում: Փորձեցինք տեղեկությունն անձամբ պարզել դատարանի նախագահ Էդգար Յովհաննիսյանից. «Մենք որեւէ առևտրություն չունենք. դա մի քիչ գաղտնի է, չեմ կարող փակագծերը բացել»: Ըստ էության, դատարանի նախագահ Յովհաննիսյանը ո՛չ հերքեց, ո՛չ էլ հաստատեց մեր տեղեկությունը:

Զ.Ս.

● Ըստ ոստիկանության տվյալների՝ օգոստոսի 15-ից 16-ը Հայաստանի Հանրապետությունում բացահայտվել է հանցագործության 54 դեպք, որոնցից 4-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԴԱՏԱԽԱԶՈՒԹՅՈՒՆԸ ԲՈՂՈՔԱՐԿԵԼ Է

Իջեալի բժշկական կենտրոնի տնօրեն, Երեան քաղաքի բնակիչ, 1973թ. ծնված Էդուարդ Գրիգորյանին մեղադրանք է առաջադրվել 33 քրեական օրենսգրքի 376-րդ հոդվածի 1-ին մասով այն բանի համար, որ նա, 2009թ.-ի հունվարից մինչև 2019թ. հուլիսի 1-ը հանդիսանալով 33 ՊՆ գործառնախի (Բերդի առանձին բժշկական ջոկատ) հրամանատար, պաշտոնատար անձ, կոչումով բուժօգնության փոխգնդապետ, պարտավոր լինելով հոսպիտալում քաղաքացիական անձանց անվճար բուժսպասարկելուց առաջ պահպանել 33-ում գործող համապատասխան օրենսդրությամբ եւ մի շարք իրավական ակտերով նախատեսված դրույթների պահանջները, անփութ վերաբերմունք է դրսևորել ծառայության նկատմամբ, առանց հաստատված գնացուցակով սահմանված 200.000 դրամ գումարը գանձելու, 2019թ. հունվարի 23-ին վիրահատել է Պառավաքար գյուղի բնակիչ Անահիտ Աղաջանյանին, ապա օրենքի խախտմամբ 2019թ. հունվարի 29-ին, առանց հաստատված գնացուցակով սահմանված 180.000 դրամ գումարը գանձելու, վիրահատել է Մովսես գյուղի բնակիչ Վոլոդյա Ավայանին, սահմանված դրույթների խախտմամբ 2019թ. հունվարի 30-ին, առանց հաստատված գնացուցակով սահմանված 150.000 33 դրամ գումարը գանձելու, վիրահատել է Նավուր գյուղի բնակիչ Ալինա Մարդանյանին, 2019թ. փետրվարի 25-ին, առանց հաստատված գնացուցակով սահմանված 140.000 դրամ գումարը գանձելու, վիրահատել է Վազաշեն գյուղի բնակիչ Գայանե Ամիրանյանին, ինչի արդյունքում էական վնաս է պատճառվել, ընդհանուր 670.000 33 դրամ գումար զինհոսպիտալի դրամարկը չի վճարվել:

Է. Գրիգորյանը պետությանը պատճառած 670.000 դրամ գումարը նախաքննության ընթացքում ամբողջությամբ վերականգնել է: Տավուշի մարզի առաջին ատյանի դատարանի դատավոր Ռաֆիկ Սելբոյանը 2019թ. հոկտեմբերի 17-ին որոշում է կայացրել քրեական գործի վարույթը կարճելու եւ է. Գրիգորյանի նկատմամբ քրեական հետապնդումը դադարեցնելու մասին: 33 վերաքննիչ քրեական դատարանը 2020թ. փետրվարի 21-ին որոշում է կայացրել Տավուշի մարզի առաջին ատյանի դատարանի որոշումը բեկանելու եւ նոր քննության ուղարկելու մասին:

2020թ. հունիսի 10-ին քրեական գործը ստացվել է 33 Տավուշի մարզի առաջին ատյանի դատարանում եւ մակագրվել դատավոր Սամվել Մարդանյանին: 2022թ. հունիսի 17-ին դատավոր Ս. Մարդանյանը վճռել է Էդուարդ Գրիգորյանին մեղավոր ճանաչել 33 քրեական օրենսգրքի 376-րդ հոդվածի 1-ին մասով, վաղեմության ժամկետն անցնելու հիմքով է. Գրիգորյանին ազատել 33 քրեական օրենսգրքի 376-րդ հոդվածի 1-ին մասով նախատեսված քրեական պատասխանատվությունից: Դատախազությունը բողոքարկել է այդ վճիռը: **ՈՍԿԱՆ ՍԱՐԳՅԱՆ**
Տավուշ

ՆՈՐ ՈՐՈՇՈՒՄ

ՏՈՒԳԱՆՔՆԵՐԸ ԿԽՄՏԱՑՎԵՆ

Ընդհանուր օգտագործման ավտոմոբիլային ճանապարհներից օգտվելու կարգի խախտման համար սահմանված դատամիջոցները կխստացվեն:

ArmLur.am-ը տեղեկացավ, որ Վարչական իրավախախտումների վերաբերյալ 33 օրենսգրքի 140-րդ հոդվածով՝ ճանապարհները, երկաթուղային գծանցները եւ ճանապարհի այլ ինժեներական կառույցները վնասելու համար սահմանված 25 հազար դրամ տուգանքի չափը կկրկնապատկվի՝ հասնելով 50 հազար դրամի: Ընդհանուր օգտագործման պետական ավտոմոբիլային ճանապարհների կողմից առուները ոռոգման նպատակով օգտագործելու, երթեւեկամասի եւ կողակների վրա կողմնակի առարկաներ թողնելու, չնախատեսված հատվածներում տրանսպորտային միջոցների ճանապարհից դուրս գալու կամ ճանապարհի մոտեցում, ինժեներական շինությունների վնասման եւ աղտոտման համար միջապետական նշանակության ավտոմոբիլային ճանապարհների մասով կնշանակվի 80 հազար դրամի չափով տուգանք, հանրապետական եւ մարզային նշանակության ավտոմոբիլային ճանապարհների մասով՝ 40 հազար դրամ: Բացի այս, ճանապարհային երթեւեկության կազմակերպման տեխնիկական միջոցները վնասելը, փակելը, հանելը կամ տեղադրելը, ինչպես նաեւ ճանապարհային երթեւեկության համար խոչընդոտներ ստեղծելը, այդ թվում՝ ճանապարհի ծածկույթը աղտոտելու, առանց համապատասխան թույլտվության ճանապարհի վրա բացօթյա առեւտուր իրականացնելու, շինարարական նյութեր կամ այլ իրեր ու առարկաներ ճանապարհին թողնելու, ինքնակամ ճանապարհային նշաններ, արգելապատնեշների տեղադրելը կամ ապամոնտաժելը, ընդհանուր օգտագործման պետական ավտոմոբիլային ճանապարհների երթեւեկի մասով կամ բաժանարար գոտիով անասուններ քշելը, եթե այդ արարքը մարդու առողջությանն անգ-



գուշությամբ պատճառել է ծանր կամ միջին ծանրության վնաս, պատժվում է տուգանքով՝ 10 հազար դրամից 20 հազար դրամի չափով, կամ հանրային աշխատանքներով՝ հիսուսից հարյուր ժամ տեւողությամբ, կամ ազատության սահմանափակմամբ՝ առավելագույնը մեկ տարի ժամկետով, կամ կարճաժամկետ ազատազրկմամբ՝ առավելագույնը մեկ ամիս ժամկետով:

Իսկ նախատեսված արարքը, որն անգուշությամբ երկու կամ ավելի անձանց առողջությանը պատճառել է ծանր կամ միջին ծանրության վնաս, պատժվում է տուգանքով՝ 20 հազար դրամից 30 հազար դրամի չափով, կամ ազատության սահմանափակմամբ՝ առավելագույնը երկու տարի ժամկետով, կամ կարճաժամկետ ազատազրկմամբ՝ առավելագույնը երկու ամիս ժամկետով:

Իսկ եթե նույն արարքը անգուշությամբ առաջացրել է մարդու մահ՝ պատժվում է ազատազրկմամբ՝ առավելագույնը երկու տարի ժամկետով: Նշենք նաեւ, որ նույն արարքը եթե անգուշությամբ առաջացրել է երկու կամ ավելի մարդու մահ, պատժվում է ազատազրկմամբ՝ երեքից հինգ տարի ժամկետով:

Բացի այս, ArmLur.am-ին հայտնի դարձավ, որ ընդհանուր օգտագործման պետական ավտոմոբիլային ճանապարհների երթեւեկի մասով եւ բաժանարար գոտիով անասուններ քշելու, ճանապարհի պաշտպանական գոտում առանց մշտական հսկողության անասուն արածեցնելու համար կնշանակվի տուգանք՝ 10 հազար դրամի չափով:

Նշենք, որ վերջին 10 տարիների Չայաստանում ճՏՊ-ների հետեւանքով զոհերի թիվն աճել է. եթե 2010 թվականին այդ թիվը 294 էր... ապա 2020 թվականին այն հասել է 348-ի, իսկ 2021 թվականին՝ 367-ի:

ArmLur.am-ը տեղեկացավ նաեւ, որ արձանագրվել են ճանապարհային նշանները փակելու, հանելու, անօրինական նշաններ տեղադրելու կամ ճանապարհային նշանների գողության, ինչպես նաեւ ճանապարհային երթեւեկության համար խոչընդոտներ ստեղծելու բազմաթիվ դեպքեր: Օրինապահ մարմինների կողմից բազմաթիվ դեպքեր են բացահայտվել նաեւ, երբ գողացված ճանապարհային նշանները վերջիններիս կողմից օգտագործվել են կենցաղային նպատակներով, հատկապես՝ գյուղերում:

ՄՅՈՒՆԷ ՅԱՍԻՆՆՈՒՅԱՆ

ՆԱԽԱԳԻԾ

ՀՐԱՎԱՌՈՒԹՅՈՒՆՆԵՐԻ ԿԱՐԳԸ ԿԽՄՏԱՑՎԻ

Ազգային ժողովի ազնահային նախաձեռնում գախաբանում է Բնակարկային կազմակերպման կարգի խստացման գախաբանը: Այս մասին ցեղ «Քաղաքացիական դայմանագիր» կուսակցության վարչության անդամ Տիգրան Ավինյանը, որը եկել էր «Մուրմալու» առեւտրի կենտրոնի սարածօժանոթանալու դայքյունից հետո իրականացվող որոնողափրկարարական աշխատանքներին:

«Որոնողափրկարարական աշխատանքները մոտենում են ավարտին: Ես հատուկ ուզում եմ ընդգծել փրկարարների աշխատանքի որակը եւ շնորհակալություն հայտնել նրանց: Ինչ վերաբերում է տեղի ունեցած ողբերգությանը, ապա այն շատ ցավալի է ու սթափեցնող: Վստահ եմ՝ սա կլինի առիթ մտածելու նման նյութերի պահպանման, մեր մասնավոր առիթներին հրավառություն անցկացնելու վերաբերյալ: Դեռ 2021 թվականին քննարկվել ու կառավարու-

թյան կողմից հավանության էր արժանացել մի նախագիծ, որը գրեթե սահմանափակում էր հրավառական միջոցների օգտագործումը մասնավոր միջոցառումների ժամանակ: Նման միջոցների օգտագործումը նախագծով թույլատրվում էր միայն պետական, համայնքային տոների ժամանակ: Կա մեծ գործարար ոլորտ, որը փոխկապակցված է այս հարցին, սակայն կարծում եմ, որ այդ կոշտ որոշումը պետք է ամեն դեպքում կայացվի: Խոսել եմ պատգամավոր Սիսակ Գաբրիելյանի հետ, որը համահեղինակն է այդ նախագծի, եւ ԱԺ առաջին նստաշրջանի ժամանակ հարցն արտահերթ կքննարկվի», - ասաց Տիգրան Ավինյանը:

Լրագրողները հետաքրքրվեցին, թե արդյոք բավարար չափով վերահսկողություն չի իրականացվում. չէ՞ որ տեսչական մարմինն արձանագրել էր բազմաթիվ խախտումներ՝ հրդեհային անվտանգության պահպանման հարցերի հետ կապված: Ի պատասխան լրագրողների հարցադրմանը՝ Տիգրան Ավինյանը

նշեց, որ 4 տոննա հրավառական նյութերի պահպանումը մեկ տեղում արդեն իսկ շատ մեծ ռիսկ է: Այդ պարագայում նույնիսկ լավագույն հովացման համակարգերն արդյունավետ չէին լինի:

«4 տոննա հրավառական նյութերի պահպանումը մեկ տեղում մեծ վտանգ է ներկայացնում: Փոքր կայծը կարող է բերել նման հետեւանքների: Հարուցված է քրեական գործ, որի շրջանակում կպարզաբանվեն բոլոր հարցերը: Դրանից բացի, ես կարծում եմ, որ ինքներս պետք է կարողանանք հրավառության այս մշակույթից հրաժարվել: Պարտադիր չէ, որ մեր առիթն մասնակցեն 10 կմ հեռավորության վրա գտնվող շենքերի, տների բնակիչները. մի կողմից՝ խաթարում ենք այդ մարդկանց անդորրը, մյուս կողմից՝ տեսնում ենք, թե նման նյութերի պահպանումը ինչ հետեւանքի կարող է բերել», - ասաց Տիգրան Ավինյանը:

Նա ընդգծեց, որ կառավարությունը պետք է անդրադառնա ինչպես այս, այնպես էլ այլ տեղերում պահվող վտանգավոր թափոնների հարցին:

● Անցած 1 օրվա ընթացքում Հայաստանի Հանրապետությունում արձանագրվել է 17 ՃՏՊ. 21 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԱՐԵՏՆԵՐ

ՀԱՅԱՍՏԱՆՈՒՄ ԵՐԿՕՐՅԱ ՍՈՒԳ Է

Հայաստանի Հանրապետությունում եւ Արցախում երեկ եւ այսօր՝ օգոստոսի 17-18, հայտարարվել են սզո օրեր՝ ի հիշատակ Սուրմալու առեւտրի կենտրոնի պայթյունի հետեւանքով մահացածների:

Սզո օրերին, «Հայաստանի Հանրապետության դրոշի մասին» օրենքի 4-րդ հոդվածի համաձայն, Հայաստանի Հանրապետության դրոշը իջեցվում է մինչեւ դրոշածողի մեջտեղը: Դրոշի վերելի մասում ամրացվում է սեւ ժապավեն, որի երկարությունը հավասարեցվում է դրոշի երկարությանը:

«Հեռուստատեսության եւ ռադիոյի մասին» օրենքի 22-րդ հոդվածի համաձայն՝ պետության կողմից հայտարարված սզո օրերին գովազդի եւ գվարճալի հաղորդումների հեռարձակումը հեռուստառադիոընկերությունների կողմից արգելվում է:

Սուգ, ինչպես մեզ մոտ, այնպես էլ տարբեր երկրներում հայտարարվում է բնական աղետների, խոշոր վթարների եւ օդային աղետների, ահաբեկչական ակտերի կապակցությամբ:

Հայաստանում սզո օր հայտարարվել է նաեւ՝

- 1992 թվականի ապրիլի 17-ին՝ Արցախի գերագույն խորհրդի նախագահ Արթուր Մկրտչյանի հուղարկավորության օրը,
- 1994 թվականի օգոստոսի 26-28-ին Ամենայն հայոց կաթողիկոս Վազգեն Առաքինի մահվան կապակցությամբ,
- 1999 թվականի հուլիսի 6-8-ին Ամենայն հայոց կաթողիկոս Գարեգին Ա-ի մահվան կապակցությամբ,
- 1999 թվականի հոկտեմբերի 29-31-ին 1999 թվականի հոկտեմբերի 27-ի ահաբեկչական գործողության զոհերի հիշատակը հարգելու կապակցությամբ,
- 2006 թվականի մայիսի 5-6-ին 2006 թվականի մայիսի 3-ին Երեւան-Սոչի ինքնաթիռի վթարի հետեւանքով զոհված 113 մարդու հիշատակը հարգելու կապակցությամբ,
- 2007 թվականի մարտի 28-ին Հայաստանի վարչապետ Անդրանիկ Մարգարյանի մահվան կապակցությամբ,
- 2009 թվականի հուլիսի 16-ին Թեհրան-Երեւան չվերթն իրականացնող օդանավի վթարի կապակցությամբ, երբ զոհվեցին ինքնաթիռի ողջ անձնակազմը՝ 168 հոգի,
- 2018 թվականի հոկտեմբերի 6-ին՝ Հայաստանի ազգային հերոս, Նշանավոր երգիչ, երգահան, գրող, կինոդերասան եւ հասարակական գործիչ Շառլ Ազնավուրի հուղարկավորության օրը,
- 2020 թվականի դեկտեմբերի 19-21-ին 44 օրյա պատերազմում զոհվածների հիշատակի կապակցությամբ:

ՆՈՐ ՆԱԽԱԳԻԾ

ԲՈՒՐ ԾՆՈՂՆԵՐԸ ԿՄՏԱՆԱՆ ՆՊԱՍՏ

Կառավարությունն առաջարկում է փոփոխություն կատարել «Պետական նոտասնների մասին» Հայաստանի Հանրապետության օրենքում:

Նախագծի ընդունման անհրաժեշտությունը պայմանավորված է Կառավարության 2021 թվականի նոյեմբերի 18-ի N 1902-Լ որոշմամբ հաստատված՝ ՀՀ կառավարության 2021-2026 թվականների գործունեության միջոցառումների ցանկի «Աշխատանքի եւ սոցիալական հարցերի նախարարություն» բաժնի 17.2-րդ կետով: Օրենքի գործող կարգավորումների համաձայն՝ խնամքի նպաստ նշանակվում է խնամքի արձակուրդում գտնվող վարձու աշխատողին, ինչպես նաեւ երեխայի ծնության կամ դիմելու օրվա դրությամբ առնված մեկ տարի գյուղական բնակավայրի հաշվառում ունեցող եւ փաստացի բնակվող ծնողին՝ անկախ աշխատելու հանգամանքից: Առաջիկա տարիներին ծնելիության կայուն աճ ապահովելու, իսկ երկարաժամկետ հեռանկարում՝ հանրապետության բնակչության թվի էական աճ գրանցելու նախադրյալների ստեղծման նպատակով Կառավարության 2021 թվականի նոյեմբերի 18-ի որոշման հավելվածի՝ «Աշխատանքի եւ սոցիալական հարցերի նախարարություն» բաժնի 17.2-րդ կետով նախատեսված է, որ 2023թ. հունվարի 1-ից մինչեւ 2 տարեկան երեխայի խնամքի նպաստ նշանակվում է բոլոր մայրերին՝ անկախ նրանց հաշվառման (բնակության) վայրի: Այս դեպքում պետական աջակցությունը հասանելի կլինի մինչեւ 2 տարեկան երեխայի խնամքով զբաղված բոլոր ծնողներին՝ անկախ նրանց աշխատելու կամ գյուղաբնակ լինելու հանգամանքից:

Նման մոտեցման հիմքում ընկած է 2 փաստ: 2020 թվականի հուլիսի 1-ից հետո, երբ խնամքի նպաստի իրավունք տրվեց նաեւ չաշխատող գյուղաբնակ ծնողներին, քաղաքաբնակ ծնողները արտահայտեցին իրենց դժգոհությունը՝ փաստարկելով, որ քաղաքներում երեխային խնամելը նույնպես ծախսատար է եւ արժանի է պետական հոգածության:



Բացի այդ, նախորդ տարիների իրավապահարկերի ցույց տվեց, որ գյուղաբնակ ծնողի համար խնամքի նպաստի իրավունքի իրացման առանձնահատկությունն սահմանելը չի ծառայում իր նպատակին, քանի որ գործնականում քաղաքացիների հաշվառման եւ փաստացի բնակության վայրերը տարբեր են: Ըստ այդմ, խնամքի նպաստի նոր գաղափարախոսությունից (այս նպատակի իրավունք տրվում է բոլոր ծնողներին՝ անկախ հաշվառման կամ փաստացի բնակության վայրից) ելնելով՝ նշված առանձնահատկությունը նպատակահարմար է վերանայել (հանել):

Միաժամանակ, հաշվի առնելով այն հանգամանքը, որ փոխվում է խնամքի նպաստի գաղափարախոսությունը, անհրաժեշտություն է առաջանում վերանայել խնամքի իրավունքի իրացման՝ նշանակման, վճարման, ստանալու իրավունքը դադարեցնելու եւ վերականգնելու, վճարումը դադարեցնելու եւ վերսկսելու պայմանները, սահմանելու տարբերակված չափեր:

Գործող իրավակարգավորումներով խնամքի նպաստի չափը սահմանում է Կառավարությունը: Քանի որ խնամքի արձակուրդում գտնվող ծնողը կորցնում է իր եկամուտը, նպատակահարմար է խնամքի արձակուրդում գտնվող ծնողի համար խնամքի նպաստի չափը սահմանել ավելի բարձր:

Հարկ է նշել, որ համանման մոտեցում կիրառված է մայրության նպաստի համակարգում: Աշխատող ծնողի մայրության նպաստը հաշվարկվում է եկամտից, իսկ չաշխատող ծնողին՝ նվազագույն ամսական աշխատավարձի 50 տոկոսից:

ՀՐԱՊՈՐՏԱԿԱՆ ԾԱՆՈՒՑՈՒՄ

«Բի Էս Թի» ՍՊԸ-ն (այսուհետ՝ Կազմակերպիչ) «Ալյոն» ԱԶ Բորսայի հարթված է:

1. Իրականացնելու է բաց աճուրդ համապատասխան փուլերով՝ «դասական» (գնի բարձրագույնը), այնուհետեւ «հոլանդական» (գնի նվազագույնը) եղանակներով: Աճուրդի ընթացքում վաճառվելու է «Արդշինբանկ» ՓԲԸ-ին (այսուհետ՝ բանկ) գրավի իրավունքով պատկանող հետեւյալ լոտը:

- Գեղարքունիքի մարզ, համայնք՝ Վարդենիս ք., Ա. Սեւանուկյան փողոց, 13 շենք, 24 հասցեում գտնվող 72.5 ք.մ. բնակարան: Լոտի մեկնարկային գինը՝ 4300000 ՀՀ դրամ:

Աճուրդի փուլերը՝ ք. Երեւան, Սայաթ-Նովա պողոտա, 40 շենք, թիվ 82/31 հասցեում 05.09.2022թ.-ին, ժ. 12:00-ին դասական եղանակով, այնուհետեւ եւ յուրաքանչյուր աշխատանքային օր, նույն վայրում, նույն ժամին՝ հոլանդական եղանակով: Աճուրդի ավարտը՝ 05.10.2022թ.-ին:

2. Շարունակելու է «Արդշինբանկ» ՓԲԸ-ին (այսուհետ՝ բանկ) գրավի իրավունքով պատկանող հետ-յալ լոտի բաց աճուրդը:

- Լոռու մարզ, համայնք՝ Վանաձոր ք., Նարեկացու փողոց, 37 շենք, 10 հասցեում գտնվող 46,2 ք.մ. բնակարան: Լոտի մեկնարկային գինը՝ 2265394 ՀՀ դրամ:

Աճուրդի փուլերը հոլանդական եղանակով՝ ք. Երեւան, Սայաթ-Նովա պողոտա, 40 շենք, 82/31 հասցեում 05.09.2022թ.-ին, ժ. 12:00-ին, այնուհետեւ յուրաքանչյուր աշխատանքային օր, նույն վայրում, նույն ժամին: Աճուրդի ավարտը՝ 05.10.2022թ.-ին:

Լոտերի նկատմամբ սահմանափակումները՝ գույքերը գրավարկված են:

Աճուրդի մասնակցության նախավճարը սահմանված է համապատասխան գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախավճարը վճարվում է «Բի Էս Թի» ՍՊԸ-ի դրամարկուրմանուրդի կայքում հասցեում, ՀՀ օրենսդրությամբ սահմանված կանխիկ շենք չգերազանցելու դեպքում, կամ բանկային հաշվին («Արդշինբանկ» ՓԲԸ-ում՝ 2470103374150000 հաշվառման) կամ կազմակերպչի կողմից տրված այլ հաշվառման: Աճուրդի մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ եւ Կազմակերպչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաեւ նախավճարի մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ եւ աճուրդի վկայական:

Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակիցը, աճուրդավարի մուծիկի երրորդ հարվածից հետո, համարվում է աճուրդում հաղթած մասնակից: Աճուրդին մասնակցած, սակայն չհաղթած անձի մուծած նախավճարը վերադարձվում է աճուրդի

Ըստ այդմ, անհրաժեշտություն է առաջացել համապատասխան փոփոխություններ կատարել «Պետական նպաստների մասին» օրենքում: Առաջարկվում է ընդունել «Պետական նպաստների մասին» օրենքում լրացումներ կատարելու մասին» օրենքի նախագիծը: Ներկայացվող նախագիծով առաջարկվում է խնամքի նպաստ նշանակել ՀՀ-ում բնակության վայրի հասցեով հաշվառում ունեցող եւ մինչեւ երկու տարեկան երեխա խնամող ծնողին՝ անկախ հաշվառման վայրից եւ վարձու աշխատող հանդիսանալու հանգամանքից: Օրենքի գործողությունը տարածվելու է այն դեպքերի վրա, երբ երեխան ծնվել է 2023 թվականի հունվարի 1-ին կամ դրանից հետո: Ընդ որում՝ վարձու աշխատողների եւ գյուղաբնակ ծնողի համար գործող օրենսդրական կարգավորումները գործելու են, եթե երեխան ծնվել է մինչեւ 2023 թվականի հունվարի 1-ը, իսկ գյուղաբնակ ծնողի դեպքում՝ նաեւ եթե դիմումը ներկայացվել է մինչեւ 2023 թվականի դեկտեմբերի 31-ը: Նախագիծով առաջարկվում է սահմանել, որ խնամքի նպաստի չափը սահմանում է Հայաստանի Հանրապետության կառավարությունը՝

1) խնամքի արձակուրդում գտնվող ծնողին՝ տոկոսով՝ «Նվազագույն ամսական աշխատավարձի մասին» օրենքի 1-ին հոդվածով սահմանված չափի նկատմամբ,

2) խնամքի արձակուրդում չգտնվող ծնողին՝ խնամքի արձակուրդում գտնվող ծնողի համար սահմանված չափի 85 տոկոսը չգերազանցող չափով:

Խնամքի արձակուրդում գտնվող գյուղաբնակ ծնողին խնամքի նպաստ կվճարվի խնամքի արձակուրդում գտնվող եւ չգտնվող ծնողների համար սահմանված չափերի հանրագումարի չափով: Պահպանելով գործող կարգավորումներով սահմանված՝ խնամքի նպաստի իրավունք տվող հիմնական պայմանները եւ ժամկետները՝ նախագիծով առաջարկվում է վերանայել խնամքի նպաստի իրավունքի իրացման մյուս պայմանները՝ դրանք չփոխակերպելով աշխատանքից ազատվելու կամ բնակության վայրը փոխելու հետ:

ՆԱԽՐԱ ՀՈՒՎԱՆՆԻՍԱՆ

ավարտվելուց հետո մեկ աշխատանքային օրվա ընթացքում: Նախավճարը ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը հրաժարվում է ստորագրել արձանագրություն կամ առուվաճառքի պայմանագիրը, ապա նա կորցնում է իր մուծած նախավճարը: Եթե Կազմակերպիչը հրաժարվում է ստորագրել արձանագրությունը, ապա նա պարտավոր է աճուրդում հաղթող ճանաչված անձին վերադարձնել նախավճարը:

Նախքան աճուրդի ավարտն աճուրդային լոտի նկատմամբ բանկի գրավի կամ սեփականության իրավունքի դադարման հետեւանքով աճուրդի մասնակցների կորուստների եւ վնասների համար բանկը որեւէ պատասխանատվություն չի կրում:

Լոտերն ուսումնասիրելու ցանկություն հայտնած անձինք կարող են սույն ծանուցման օրվան հաջորդող օրվանից մինչեւ աճուրդի ավարտը, յուրաքանչյուր աշխատանքային օր, ժ. 10:00-ից մինչեւ 18:00-ն, այցելել վերը նշված հասցեներով եւ ծանոթանալ լոտերի հետ՝ այցելությունը նախապես համաձայնեցնելով Կազմակերպչի հետ: Սույն ծանուցումը կարող է փոփոխվել մամուլում հրապարակվելու միջոցով: Աճուրդների անցկացման կանոնակարգին կարող եք ծանոթանալ եւ անվճար ստանալ կանոնակարգի պատճենը, դիմելով Կազմակերպչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունների համար կարող եք զանգահարել (011) 56-45-13 հեռախոսահամարով կամ այցելել www.ilcbst.am, www.akson.am կայքեր:

«Օղովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԿԱՐԾԻՔ

ՎԱՍԵՑԵՔ

ՀԱՅՏՆԻՆԵՐԸ՝ «ՍՈՒՐՄԱԼՈՒ»-Ի ՈՂԲԵՐԳՈՒԹՅԱՆ ՄԱՍԻՆ

Օգոստոսի 14-ին «Սուրմալու» առեւ-րի ողբերգական դայքյունը ցնցեց ողջ հայ ժողովրդին: Այս ամենից անմասն չեն մնացել, իրենց վեճով են կիսվել նաև հայկական շուկայի գնեցողները և հրադարձակումներով հանդես են եկել:

Երգչուհի Անահիտ Շահբազյանն «Ինստագրամ» սոցիալական ցանցում «Սուրմալու» մեծածախ առևտրի կենտրոնում տեղի ունեցած պայթյունից հետո իրականացվող որոնողափրկարարական աշխատանքների ժամանակ արված կադրեր է հրապարակել, որոնց կից գրել է.

«Վախեցե՛ք անտարբեր ու անսիրտ հայից, վախեցե՛ք անկիրթ ու գոռոզ հայից, վախեցե՛ք մեր երկրի սեռափոխվածներից, վախեցե՛ք անհավատ ու անաստված հայից, որովհետեւ այս մարդիկ անձապաշտ են ու եսասեր:

Հայրենիք բառի իմաստը նրանց ուղեղում միայն պաթոն է ու ֆեյսբուքյան էջի լավ գրառում:

Աշխարհի վրա չկա մի չար մարդ, որը չի պատժվել. բոլորը պատասխան են տալու Տիրոջը»:

Երգիչ, դերասան Արամ ՄՔ3-ն «Ինստագրամ» սոցիալական ցանցի միջոցով երկրպագուներին տեղեկացրել է, որ այսօր նախատեսված իր համերգը չեղարկում է:

«Այսօր, ինչպես գիտեք, պետք է տեղի ունենար իմ համերգը, բայց հայտնի պատճառներից ելնելով՝ ես չեղարկում եմ այսօրվա համերգը եւ տեղափոխում եմ անհայտ ժամկետով. մնացածի մասին ձեր լրացուցիչ կասեն: Այս պահին միակ ցանկությունս է, որպեսզի, որքան



հնարավոր է, քիչ կորուստներ լինեն: Դեռ կան մարդիկ, որոնք փլատակների տակ են գտնվում: Աղոթենք բոլորս, որպեսզի բոլորը ողջ մնան: Շնորհակալություն ըմբռնման համար», - նշել է Արամը:

Դերասանուհի Անահիտ Կիրակոսյանը գրել է. «Անարդար է ամեն բան, սարսափելի. ցավը բոլորինս է»:

Ողբերգական դեպքին անդրադարձել է նաև երգչուհի Սոնա Ռուբենյանը. «Ունենք 16 զոհ, որոնց թվում մեկ մանկահասակ երեխա եւ հղի կին... Խորին ցավակցություններս հարազատներին: Բառ չեմ գտնում ասելու էս կրկնվող մղձավանջի մեջ: Դաժան, շատ դաժան իրականություն»:

ԼԻՂԱ ԵՐԿԱՋՈՒՅԱՆ

ԼՈՒՐԵՐ

ՀԱՂԹԱՆԱԿ ՏՈՆԵՑ

Հայաստանի շախմատի հավաքականի նախկին անդամ Լեւոն Արոնյանը շարունակում է ելույթները FTX Crypto Cup արագ շախմատի մրցաշարում:

Արագ շախմատի մրցաշարի երկրորդ տուրում Արոնյանի մրցակիցը Լեհաստանից Յան-Կշիշտոֆ Դուդան էր: Մեկնարկային չորս պարտիաներն ավարտվեցին ոչ-ոքի արդյունքով, եւ որոշիչ եղավ թայ-բրեյքը, որտեղ հաղթանակ տոնեց Լեւոն Արոնյանը: Այժմ Արոնյանը մրցաշարային արդյունավետ երրորդն է: Հաջորդիվ հայ գրոսմայստերի մրցակիցը աշխարհի չեմպիոն Մագնուս Կարլսենն է:

Արագ շախմատի այս մրցաշարը բաղկացած է 7 տուրից, իսկ մրցանակային ֆուդը կազմում է 210 հազար ԱՄՆ դոլար:

ՄԻԻԹԱՐՅԱՆԸ ՎԵՍՎԱԾՔ ՈՒՆԻ

Հայաստանի ֆուտբոլի ազգային թիմի նախկին ավագ, Միլանի «Ինտեր»-ի կիսապաշտպան Հենրիխ Մխիթարյանը վնասվածքի պատճառով բաց կթողնի խաղեր մի քանի շաբաթ:

Հայ կիսապաշտպանի մոտ առկա է ծախ ազդրային մկանի լարվածություն: Ըստ ամենայնի, Մխիթարյանը խաղադաշտ կվերադառնա 2 շաբաթից ոչ շուտ: «Ինտեր»-ի բուժանձնակազմն աշխատում է այն ուղղությամբ, որ Մխիթարյանը կարողանա մասնակցել սեպտեմբերի սկզբին նախատեսված «Միլան»-ի դեմ խաղին:

ՀՐԱԺԱՐՎԵԼ Է ՎԱՃԱՌԵԼ

Մադրիդի «Աթլետիկոն» հրաժարվել է վաճառել իսպանացի հարձակվող Ալվարո Մորատային: Մի քանի անգլիական ակումբներ առաջարկել են 40-45 միլիոն եվրո: 29-ամյա ֆուտբոլիստը վերադարձել է Թուրինի «Յուվենտուսից» եւ դեմ չէ այս մրցաշրջանն անցկացնել արգենտինացի Դիեգո Սիմեոնեի գլխավորած թիմում:

Ալվարո Մորատայի պայմանագիրն «Աթլետիկոյի» հետ նախատեսված է մինչեւ այս մրցաշրջանի ավարտը: Իսպանիայի առաջնության մեկնարկային տուրի խաղում Ալվարո Մորատան դարձել էր դուբլի հեղինակ, «Աթլետիկոն» 3:0 հաշվով հաղթել էր «Խետաֆեին»:

ԽԱՂԵՐԻ ՀԱՂԹՈՂՆԵՐ

Հայաստանի մարզիկ-զինծառայողները Համաշխարհային կարիտական խաղերին գերազանց ելույթներ են ունեցել՝ նվաճելով 4 ոսկե, 1 արծաթե, 1 բրոնզե մեդալ: Բանակայինների համաշխարհային խաղերի հաղթողներ են դարձել Գոռ Բեգլարյանը (աթլետիկա, հեռացատկ), Ռազմիկ Սկրտչյանը (աթլետիկա, 200 մ վազք), Երվանդ Սկրտչյանը (աթլետիկա, 1500 մ վազք), Արթուր Բարսեղյանը (լող, բաթերֆլայ ոճ): Երվանդ Սկրտչյանը (աթլետիկա, 1500 մ վազք): Հայ բռնցքամարտիկը նոկաուտով հաղթեց թուրք մարզիկին ու մեդալ ապահովեց:

ՆՈՐ ԵՐԳ

ԴԱԴԱՐՆԵՐՆ ՕՐԻՆԱԶՉԱՓ ԵՆ

Տեսական դադարից հետո երգչուհի Սյուզի Մելիքյանը նոր երգ է ներկայացրել: «ԿԵՄՈՒՆ» երգը ռուսալեզու է: ArmLur.am-ի հեռ գրույցում երգչուհին իր դասիկոյային վերաբերյալ ասաց, որ դադարներն օրինաչափ են: Ըստ նրա՝ ցանկացած լուրջ լուրջ դեպքում ինքը լցվում է նոր գաղափարներով, որոնց իրականացման վրա էլ աշխատում է:

Սյուզիի խոսքով՝ այն, որ երգը ռուսալեզու է, հատուկ գործոնով չէ պայմանավորված, պարզապես այդպես է ստացվել: Երգչուհին նշում է, որ ռուսալեզու ես մեկ երգ է պատրաստում:

Ի դեպ, «ԿԵՄՈՒՆ» երգի հեղինակները հայեր են, որոնք Հայաստանում չեն բնակվում, իսկ մյուս ռուսալեզու երգի շրջանակներում Սյուզի Մելիքյանը համագործակցել է ռուս հեղինակների հետ:

«Աշխատում եմ շատ հեղինակավոր դեմքերի հետ, որոնք էլ իրենց հերթին ռուսական շուկա բիզնեսի մի շարք հայտնի արտիստների համար են երգեր գրում: Շատ հետաքրքիր աշխատանք ենք պատրաստում, մնացածի մասին ավելի ուշ կխոսեն: Կարծում եմ՝ անակնկալ կլինի»:

Սյուզիի խոսքով՝ թեպետ պասիվ էր վերջին շրջանում, սակայն ինքը հիմա փորձում է կրկին ակտիվանալ երգարվեստում:



«Շատ նոր մտքեր ունեմ, որոնց իրականացման վրա շատ եմ աշխատում»:

Կարծում եմ, որ շուտով շատ հետաքրքիր նորություններով եմ հանդես գալու»:

ԼԻՂԱ ԵՐԿԱՋՈՒՅԱՆ

● Օգոստոսի 23-ին Երեւանի պետական կամերային թատրոնում տեղի կունենա «Շնտյան վկայական» թատերական ներկայացումը: Տոմսերի արժեքը՝ 1000-5000 դրամ: Սկիզբը՝ ժամը 19:00-ին:



ՏՆՏԵՍԱԿԱՆ

ՀԱՐՑ. Ի՞նչ կարգով է իրականացվում ծննդի դե-
տեկան գրանցումը, ի՞նչ փաստաթղթեր են ներկա-
յացվում ծննդի դետեկան գրանցման համար, ի՞նչ
ժամկետում է կատարվում ծննդի դետեկան գրան-
ցումը, որքա՞ն է կազմում դետեկան տուրի դրույ-
քաչափը:

Լուսինե Վարդանյան (21 տարեկան)



ՊԱՏԱՍԽԱՆ. Երեխայի ծննդի ակտի գրառման
մեջ ամուսնության մեջ գտնվող հայրը եւ մայրը
գրառվում են որպես երեխայի ծնողներ՝ նրանցից
որեւէ մեկի դիմումի հիման վրա: Երեխայի ծննդի
գրանցման համար ներկայացվում է գրավոր հայտա-
րարություն, ծնողների /ծնողներից մեկի/ եւ դիմողի
անձը հաստատող փաստաթուղթ, երեխայի ծննդի
ակտի գրառման մեջ հոր մասին տեղեկություններ
լրացնելու համար հիմք համարվող փաստաթղթեր
(օրինակ՝ ամուսնության վկայական, ամուսնալուծու-
թյան վկայական, հոր մահվան վկայական), երեխայի
ծնունդը հաստատող փաստաթուղթ, մասնավորա-
պես՝ ծննդյան մասին սահմանված ձեւի փաստա-
թուղթ՝ տրված բժշկական այն կազմակերպության
կողմից, որտեղ տեղի է ունեցել ծնունդը: Ծննդի պե-
տական գրանցման՝ ներառյալ վկայական տալու հա-
մար պետական տուրք չի գանձվում:

ՀՀ արդարադատության նախարարություն

«ԺՈՂՈՎՈՒՐԳ». Խնամատար ծնող դառնալու
ցանկություն հայտնաձևելիս Հայաստանի Հանրա-
պետության օրենսդրությամբ սահմանված անհրա-
ժեշտ բոլոր փաստաթղթերը ստանալուց հետո եւ, սո-
ցիալական աջակցության տարածքային գործակալու-
թյան (բաժնի) կողմից տրված խնամատար ծնող հաշ-
վառելու վերաբերյալ եզրակացության հիման վրա,
Հայաստանի Հանրապետության օրենսդրությամբ
սահմանված կարգով եւ ժամկետում տրվում է խնամա-
տար ծնող դառնալու հնարավորության մասին դրա-
կան կամ բացասական եզրակացություն:

ՍՈՑԻԱԼԱԿԱՆ

ՀԱՐՑ. Ո՞վ է համարվում գործազուրկ:
Կարինե Պողոսյան (38 տարեկան)



ՊԱՏԱՍԽԱՆ. Գործազուրկ է համարվում տարի-
քային կենսաթոշակի իրավունք տվող տարիքը չլրա-
ցած, աշխատանք փնտրող եւ զբաղվածություն հա-
մարվող գործունեության որեւէ տեսակով չզբաղված
անձը, որն աշխատանք գտնելու նպատակով հաշ-
վառված է Աշխատանքի եւ սոցիալական հարցերի
նախարարության միասնական սոցիալական ծառա-
յության տարածքային կենտրոնում, պատրաստակամ
է անցնելու հարմար աշխատանքի եւ ստացել է գոր-
ծազուրկի կարգավիճակ: Տարածքային կենտրոնն
աշխատանք փնտրող անձին տալիս է գործազուրկի
կարգավիճակ որպես աշխատանք փնտրող հաշվառ-
վելու համար անհրաժեշտ փաստաթղթերը ստանա-
լուց հետո՝ 5 աշխատանքային օրվա ընթացքում:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Զբաղվածություն համարվող
գործունեության տեսակներն են՝
● գործատուների մոտ վարձու աշխատանքային գոր-
ծունեությունը (այդ թվում՝ ՀՀ օրենքներով նախատես-
ված ծառայությունների կադրերի ռեզերվում գտնվելը՝
բացառությամբ վարձատրություն չնախատեսող դեպ-
քերի),
● քաղաքացիաիրավական պայմանագրով ծառայու-
թյունների մատուցումը կամ աշխատանքների կատա-
րումը,
● անհատ ձեռնարկատիրական եւ նոտարի գործու-
նեությունը,
● արտոնագրային վճար վճարողի գործունեությունը,
● ժամկետային պարտադիր զինվորական ծառայու-
թյունը,
● ուսումնական հաստատություններում, մասնագի-
տական ուսուցման դասընթացներում եւ ուսուցման
այլ ձեւերում առկա ուսուցումը:

ԼՈՒՐ ԿԱԴՐ

Լուսանկարն արվել է Երեւանում



Քաղաքացիները ծաղիկներ, խաղալիքներ եւ մուներ են
բերում «Սուրմալու» ամետրի կենտրոնում տեղի ունե-
ցած ողբերգական պայթյունի վայր՝ ի հիշատակ զոհված
քաղաքացիների:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել
«Ժողովուրդ» օրաթերթի խմբագրություն (010 54-64-23
հեռախոսահամարով), եւ մենք անպայման կանդրադառ-
նանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու
համար կարող եք լրացնել հետևյալ բլանկը եւ
ուղարկել նշված հասցեով: Ամեն օր թերթը կհասնի
ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ
քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.



*«Ժողովուրդ» օրաթերթում հրապարակված
նյութերը արտատպելիս կամ ընթացիկ
մեջբերումներ անելիս պետք է պարտադիր
գրառել հետևյալ նախադասությունը.
«Շարունակությունը կարող եք կարդալ
«Ժողովուրդ» օրաթերթի այսօրվա համարում»:*

Լրատվական գործունեություն իրականացնող՝
«Ժողովուրդ» թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 17.08.2022

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ
չեն վերադարձվում, Գ նշանով նյութերը գովազդային
հրապարակումներ են, որոնց համար խմբագրությունը
պատասխանատվություն չի կրում: